

Kontuola

ANTZUOLA / Egubakoitza / 2005eko otsailaren 11a / 222. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Erreka bideratzeko proiektua onartu dute

IRATI AGIRREAZALDEGI

Joan den egubakoitzean onartu zuten, osoko bilkuran, Deskarga erreka bideratzeko proiektu egokitua. Horren arabera, udaletxe atzean estalitako gainezkabidea egingo dute. Plazan, berriz, erreka agerian geratuko da eta plataforma bat ipiniko dute.

Udalbatzak aho batez erabaki du Deskarga erreka bideratzeko proiektu egokitua onartzea. Proiektua Enrique Elkorobere-zibarrek idatzi zuen, Eusko Jaurlaritzaren aginduz.

Proiektuaren arabera, udaletxe atzean estalitako gainezkabidea egingo dute. Hain zuzen, sei metroko zabalera eta bost metroko altuera izango ditu. Ondarreko transformadore ingurutik hasi eta Eperra elkartearen atzeko partera iritsiko da.

Bestalde, plazan lurra altxatu eta erreka kanalizatuko dute. Kanalak lau metro eta erdiko zabalera izango du. Errekaren gainean, udaletxearen aurreko aldean, 19 metroko plataforma bat ipiniko dute eta Euskadiko Kutxaren eta Surpe tabernaren



Gainezkabidea udaletxearen atzeko aldean egingo dute estalita.

parean pasabide bana, sei metro eta erdi eta bederatzi metrokoak, hurrenez hurren. Lanok amaitutakoan plaza urbanizatu egingo dute.

Gertu Gae plataformak proiektu horrekin ados ez dagoela azaldu du, besteak beste erreka bistaraziz plazari duen funtzionalitatea kentzen diolako.

ARGINDARRA



Linea berriak 13.000 voltez hornitzen ditu Antzuolako etxeak.

Iberdrolak argiztapen linea berria ipini du

I.A.

Antzuolari 13.000 voltekoko etxeko zerbitzua emango dion hornidura linea bikoitza izango da herrian hemendik aurrera. Udalak Iberdrola enpresarekin egindako hitzarmenaren ondorioa da linea berri hori.

Iberdrolak Osintxu-Gorla lineatik hornitzen zuen orain arte Antzuola. Linea horrek hainbat kalte izan ditu; azkena, urtarilaren hirugarren astean.

Larriena iazko elurte gertatutakoa izan zen. 24 orduz eten zuten herrian.

Azken aldiz argiztapen eten zen aste berean. Iberdrolak abian jarri du Linea horrek 13.000 voltez hornitzen du Antzuola. San Antonio auzotik bitartez bermatu nahiz hornidura seguruagoa orain arte bezalako etengabeko izango ez duena.

HERRITARREN HITZA / Joseba Lezeta • Kazetaria

Bi mutil

Bi mutil dira. Egunsentian joaten dira Antiguan gora Irain aldera. Oinez sarritan. Bizikletan noizbehinka. Sarritan entzun izan ditut etxeko sukaldean duela berrogeita hamar urteko kontakizunak. Gure aitajauna zela joaten zen lanera Plaentziara. Amanda eta ama baserritik kalera etortzen zirenekoak. Bi mutil hauen antzera.

Haiek Irain aldean dabil-tzan bitartean, Antzuola bere horretan geratzen da. XXI. mendeko arazoak ditu. Arazoak ala egoera berriak. Eskualdeko jendea etortzen ari da bizitzera (bizitzera ala lo egitera?) gure

lursailtako etxe berrietara, ondoko herrietan etxeak garestiago daudelako, ez Antzuola bereziki gustatzen zaielako. 2.000 biztanletik behera egin zuenean argi gorriak piztu ziren. Nora goaz? Orain 2.000ko muga hori gaudituz da eta argi gorriek, halere, piztuta segitzen dute.

Udalak Beheko Auzoan egin nahi dituen etxeei buruzko eztabaida piztu da. Dirudienez,



“Beheko Auzoan egin nahi dituzten etxeei buruzko eztabaida piztu da”

Baina zela? Herri txikia gara, leku gutxi dugu, mugak. Eusko Jaurlaritzak duela urte

hala diote zurrumurruak, herriko zenbait lantokik leku arazoak ditu hazteko. XXI. mendeko arazoak, egoera berriak.

Bidegurutzean dago Antzuola: XX. mendeko bigarren erdian eraikitako industria-herria izaten segi ala bizitegi-herria bihurtu. Ala biak batera izan.

batzuk onartutako plangintzan zeregin nagusia ematen zion Antzuolari Debagoiena eskualdean: bizitegi-herria. Eta hartara doa poliki-poliki. Hala ematen du.

Orduan ez zen kezarik agertu herritarrengan, jokoan zegoena garrantzitsua izan arren. Urrutian geratzen zen.

Benetako eztabaidaren premia du Antzuolak. Etxeak non egin baino garrantzitsua da zer egin eta zertarako zehaztea.

Badatoz bi mutilak Irainen behera. Oinez gaur. Pito bat ardura zaizkie haiei gure kontuak.

KIROLA

PARTIDUAK

FUTBOLA

Otsailak 12

16:00: Antzuola-Urki (2. errege)

18:00: Antzuola-Eibartarrak (1)

PILOTA

Otsailak 23

17:00: Olalde-Añorga (Kadeteak)

Ondoren, Olalde-Lazkao (2. errege)

EMAITZAK

FUTBOLA

Arizmendi C 1 Antzuola (1)

PILOTA

Beloki-Olalde (Kadeteak)

Olalde-Ikasberri (Nagusiak)

Olalde-Kuku (Pala motza)

ELKARRIZKETA

PURITA ARREGI/IRAKASLEA

“Hainbat gauza barik bizi gaitzkeela ikasi dut Bolivian egon naizenean”

IRATI AGIRREAZALDEGI

Antzuolar honek Iruñean egiten du lan, irakasle, baina gure artera ekarri badugu ez da horrengatik izan. Irakasle lanarengatik bai, baina bi urte Bolivian langintza horretan eman dituelako, hain zuzen ere.

Nolatan erabaki zenuen Boliviara irakasle joatea?

Aspalditik nengoen Hirugarren Mundua bertatik bertara ezagutzeko gogoz. Bidaiatzen denbora bat eman ostean, Bolivian finkatzea erabaki nuen. Espainiako lekaike batzuegana jo, eta eurei laguntzen bi urte eman ditut.

Zein egoera aurkitu duzu?

La Paz hiriburutik ordubetera dagoen El Alto hirian egon naiz. Milioi bat biztanle ditu eta horietatik asko nekazariak dira, herrietatik hirira joandakoak. Meatzaritza ere ahul dago, eta Potosi ingurutik jende asko joan da. Hiriburuak ustez bizimodu hobea emango dielakoan joan dira, baina errealtatea bestelakoa da.

Zure eginbeharrak zein izan dira bertan?

Eskola publikoko ikasleei laguntzea eta haien motibatzea. Aimara herriarekin egin dut lan, eta oso itxiak dira. Gizartean beheko mailan daude, eta eskolara joateko aukera izan arren, etxean lagundu behar dutenez askotan ez dira joaten. Heziketa maila baxua da eta eskolari ez diote hemen adinako garrantzirik ematen.

Eta euren behar nagusiak?

Behar asko dituzte. Batzuk aipatzekotan, kalitatezko heziketa eta osasun zerbitzuak. Sendagilearengana joateagatik ordaindu egin behar dute; beraz, askotan umeak ez dituzte eramaten.

Irakasle lanetara joan zara. Zuk zer ikasi duzu?

Beste balio batzuk dituzte eta hainbat gauza barik bizi gaitzkeela ikasi dut. Han egon naizen denboran berogailuaren falta bakarrik sumatu dut.



KONTUOLA

“Umeak, etxean lagundu behar dutenez, aukera izan arren ez dira eskolara joaten”

Itzuli arren premia nahikoa dago. Nola lagun daiteke?

Nire asmoa da eurekin harremanetan jarraitzea, eta oporrak ditudanean bueltatzea. Baina hemendik laguntzeko modurik errazena dirua bidaltzea da. Diru

“Behar asko dituzte; kalitatezko heziketa eta osasun zerbitzua, esaterako”

hori ongi kudeatuz gero zerbait lor daiteke.

Anekdotarik ?

Urriaren egoera larriak bizi izan genituen. Gobernua aldatu zutenean hainbat istilu eta hildakok izan ziren gure inguruan.


PRESOAK

Jose Luis Erostege ‘Eltzikorta’, itxialdian

I.A.

Euskal Preso Politikoen Kolektiboko kideek itxialdiak egiten dihardute euren eskubideak bete daitezen eskatzeko.

Hamar eguneko itxialdiak egiten hasi ziren, txandaka, eta laugarrenera iritsi dira dagoeneko. Hala, txanda horretan Antzuolako Jose Luis Erostegei *Eltzikortari* egokitu zaio itxialdian egotea. Otsailaren 3an hasi zuen eta domekara (otsailak 13) bitartean egongo da bakartuta, gelatik irten gabe.



KONTUOLA

Jose Luis Erostegei *Eltzikorta*.

MOBILIZAZIOAK

Horren harira, *Eltzikortaren* eta gainerako 717 presoek borroka-ekin bat eginez, Antzuolan hainbat mobilizazio antolatuta dituzte.

Gaur, egubakoitza, ostiralero bezala, elkarretaratzea izango da

Zurrategin, 19:00etan. Domekan, 12:30etik 14:00etara bitartean sindura bilketa egingo dute Zurrategin, eta tartean, 13:00etan elkarretaratzea izango da bertan.

LABUR

Tai-chi ikastarorako izena emateko epea zabalik dago otsailaren 24ra arte

Udaleko Kirol Zerbitzuak antolatuta tai-chi ikastaroa egiteko aukera egongo da martxoaren 1etik maiatzaren 31ra bitartean. Hastapen ikastaroa izango da, eta eskolak martitzenetan eta eguenetan izango dira, Eguzki auzoan, 18:00etatik 19:00etara. Interesatuak otsailaren 24a baino lehen eman beharko dute izena udaletxean.

‘Pakitarentzat bakarrik’ antzezlanak izango da zapatu gauean Orlaran etxean

Bihar, zapatua, antzerki saioa izango da Orlaranen, 21:30ean. *Pakitarentzat bakarrik* antzezlanak egingo du Itziar Ituñok. Ezaguna da, besteak beste, *Goenkale* teleailean Nekane ertzainaren rola egiten duelako. Bihar, Itziar Ituñok arazoz betetako emakume baten paperean bakarrik egingo du.

Maristetako argazkiak eta materiala jaso nahi dituzte, martxoan erakusketa egiteko

Iaz San Joseren estatuaren 75. urteurrena bete zela eta, martxoan Maristei buruzko hainbat ekitaldi izango dira; besteak beste, erakusketa. Eta horretarako materiala bildu nahi dute; hala, Udalak herritarrei eskatu nahi die Maristetako argazkirik edo Maristekin zerikusia duen materialik izanez gero, udaletxera eramateko otsailaren 25a baino lehen.

SUKALDEKO ALTZARIAK
Harizki

MUEBLES IGEA

Sukalderako eta bainurako altzariak
Altzari rustikoetan espezializatuak

Zurrategi plaza 4, behea. ANTZUOLA. Tel. eta faxa 943 78 71 80



IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**